



GEAR + BEATZ
HOLLAND ARUBA MALL • PHONE: 588-9797
Open from: Mon. to Sat. 10 am. to 7 pm.

SPRING 08 COLLECTIONS IN STORES NOW !!












PASEO HERENCIA MALL • PHONE: 586-1469
Open from: Mon. to Sat. 2 pm. to 9 pm.

Mighty Campo a bay busca conseho legal

Un rectificacion ta na su lugar pa e hecho di a usa su number


ORANJESTAD (AAN): Despues di tur e polemica cu a presenta Diamars anochi caminda a bin dilanti e noticia cu Mighty Campo lo entrega su corona cu el a gana di Rey di Roadmarch, DIARIO a tene un entrevista cu Miguel Oliva, mihor conoci como "Mighty Campo" ora cu e

tabata saliendo for di oficina di abogado Marchena na unda a acudi pa busca conseho legal.

El a laga sa cu el a caba di sali di un reunion cu mr. Marchena tocante di e sucedido cu su number a wordo menciona den e cancion di e agrupacion Le Groove. A agrega cu aworaki nan ta

bézig haciendo cierto tramitanen pa esey no pasa mas y pa e sucedido ey wordo rectifica.

A señala cu su number a wordo usa den un contexto cu no ta husto riba un grabacion di un disco compacto di Le Groove y tambe riba e disco compacto di Carnaval 2008.



Loke ta wordo bisa riba e grabacion ta cu su number artistico ta wordo usa den e contexto di corrupcion y su number ta wordo hinca net su tras, a bisa.

"Mi no ta haya cu e ta fair, e no ta husto tampoco, anto vooral a mi cu ta nunca mi a haci ni un hende nada. Anto e tin hopi consecuencianan cu a bin tambe cu mi famia y tambe cu mi trabao paso mi ta traha cu un compania cu ta hecho y derecho. E palabra corrupcion, no ta apto, no tin ni un motibo pa mi number a wordo usa den esey", a expresa.

Segun Oliva, e persona cu ta menciona su number den e cancion ta Antoni Gario mes. A laga sa cu ayera-nochi e tabata na un evento y Gario tambe tabata tey. Nan a combersa un poco riba esey y "el a expresa su palabranan cu e no tabata mini asina, pero e punto ta da cu e no mester a usa mi

number".

A agrega cu ta yammer cu un cos asina mester a sosode. A indica tambe cu Antoni Gario a bise cu e ta bay haci su parti pa e no sosode mas, pa haci su parti di rectificacion.

E hecho ta cu e CD ta riba caya y esey no ta algo cu ta corecto, a señala.

Na e momentonan aki, a duna di conoce, no tin intencion di lanta un caso di daño y perhuicio, pero como representantenan di Search e unico cos cu nan kier mira ta pa esey wordo saca afo for di e grabacion.

E simple hecho cu su number ta den e grabacion, un hende mester para responsable pa esey, pasobra e tin hopi consecuencia caba cu e ta pasando den dje y tambe su famia a wordo perhudica door di henter e situacion aki, locual no ta husto.